


「腎弟」數「熱狗」通知當協調


明插狗達暗攻狗主 被譏隔咗成年仲發情緒病

【網議政事】「熱血公民」同「城邦派」自從喺上年立法會選舉輸到直之後，一直清算無盡力同佢哋助選嘅人。其中自居「無待堂堂主」、人稱「腎弟」嘅盧斯達，就因為咁俾「城邦派國師」傻根（陳云根）清走咗。事隔差唔多一年，腎弟連日喺facebook「考古」，其中佢講到「熱狗」過氣「首領」狗達（黃洋達）喺上年立法會新界東補選玩收割，第二日即刻開記招宣佈五區參選，但喺當日凌晨先同「本土民主前線」獨琦（梁天琦）講，話已經同佢協調咗，搞到獨琦覺得政治好黑暗。不過，同腎弟一樣係「離教者」嘅前「熱狗」李政熙，就唔妥佢抹煞晒「熱狗」嘅「功勞」，話佢隔咗成年先喺情緒病發作。問題嚟嘞，李政熙又要走又要攞「熱狗」，咪俾班「熱狗水泥隊」寸佢要乞自己喺「熱狗」嘅政治遺產嗌食囉！又有「水泥隊」成員覺得腎弟嘅講法係連「狗主」黃毓民都郁埋，因為狗主嗰陣仲係「熱普城」一分子。

■香港文匯報記者 陳庭佳



fb截圖



fb截圖

「花生友」金句

鬧「熱狗」

微塵：佢無問過梁天琦的意見，這算是協調？

Wilson Li：呢個所謂嘅協調只係應付記者問到嘅嘢，都唔係真係協調。呀仲有唔係請求去傾協調，而係通知你協調咗。

KL Tam：唔算黑暗嘅，只係×達中二病發作，當自己係上菜。

Christopher Cheng：黃洋達一開始就揀錯區，2012年輸都仲可以賴社記（社民連），但喺2016年啲票跌咗，就好明顯賴（賴）做地區議題唔入屋。（利申：只係一個投過反骨達嘅契弟）

Sam Yiu：當2016年人哋怕咗你哋唔選，就算無陳澤滔你黃洋達都唔會贏啦。

Keyvin Wong：要講呢班賤人啲×嘢，幾日幾夜都講唔晒。Billy（馮敬恩）、梁天琦、「本民前」，以至好多其他人都係一路硬食就算，結果呢班××就得寸進尺。好啦啱家，攞爛塊面，睇下邊個醜。

鬧獨琦「腎弟」

Howard Au：腎弟嘅發洩好情緒主導。熱×（「熱狗」）而（啱）家的確福佳（仆×），但成立初期，的確有「鼓動風潮，造成時勢」之效。可惜主事人不知好歹，不思進取，反骨成性，終導致今日嘅敗局。自己一手葬送過去嘅功業，可惜！

Marco Chan：腎弟喻乜×？黃洋達做節目講協調係講明有收到「本民前」答覆。

Joseph Lo：仲有黃洋達喺節目度講過，喺選前兩個月任佢（獨琦）揀選區（沙田、將軍澳、大埔等新界東地區），「熱普城」唔會喺佢揀啲區出現，最後衝刺另計，畀佢揀都唔揀，咁咪各有各做囉！

Lilian Stretton：我覺得梁天琦牛龜咁大個人扮純真話「政治好黑暗」，但背後佢哋組織做埋啲濕×嘢，呢下（吓）真係好嘔心好黑唔囉。資料來源：fb 整理：香港文匯報記者 陳庭佳

腎弟連日喺fb力數「熱狗」喺選舉期間嘅不是，最爆嘅係佢透露獨琦對於俾「熱狗」收割成果嘅感受。

話說當時獨琦喺補選嘅得票比一般預期多，有份助選嘅「熱狗」就喺之後嗰日開記招，宣佈會同「城邦派」仲有當時未反面嘅「普羅政治學苑」喺五區參選，包括獨琦地頭新界東，而當時獨琦話事前已經知道「熱狗」會咁做。

獨琦「被協調」「原來政治咁黑暗」

不過，腎弟有第二個講法，話獨琦喺今年6月搞完活動之後（應該係指獨

琦去英國劍橋大學演講「播獨」），同班劍橋同學傾偈，講起狗達喺補選之後嘅凌晨拍佢膊頭，話「熱狗」當日會宣佈五區出選，其中講到「我哋家同你協調咗」，搞到佢心諗「原來政治係咁黑暗」。

有唔少網民覺得「熱狗」唔係路，通知就當協調，其中有人打趣話要再同獨琦協調，「有單生意，100萬收入，20萬支出，收入我袋，支出天琦找數，喺，協調咗啦啱。」

雖然大家都係「離教者」，但李政熙就唔妥腎弟係咁數「熱狗」喺選舉時啲衰嘢：「算佢啦腎弟，你諗住啱家出嚟執返身尾彩呀？啱家嘅「熱

狗」固然係有問題，但係你唔好全盤否定呢個組織過去所做嘅嘢，我對呢個組織失望，係佢選舉後嘅所作所為，並唔係選舉前所做嘅事。隔×咗成年先情緒病發呀？」提提大家，李政熙喺選舉時幫過佢根助選。

「水泥隊」諷李死攞「威水史」

著名「水泥隊」成員「藍鳳凰」就質疑李政熙仲扮乜「熱狗」，話「熱狗」選前選後分別唔大，不過佢強調選前嘅嘢無問題，係因為選前佢未走又有份做，所以死都話無問題，而選後就講是非言辯狗主，又無行動可以博出位，搞到人氣暴跌，當然死攞仲

喺「熱狗」時嘅「威水史」，「講白啲，成個post（帖文）即係話：喺喺，你盧斯達燒還燒，咪將我仲喺『熱血』時嘅功勞都燒埋呀！『熱狗』係我走咗之後先×㗎！其實係非常低質下流。」

「網上三國人物」之一嘅「趙雲」就話腎弟「正白癡」，「以為就『熱普城』與梁天琦選舉協調一事斷章取義，就可以陷黃洋達於不義，其實係一個回力鏢打埋黃毓民」，因為狗主當時講過多次嘗試同「本民前」協調但唔成功，「腎弟啱家話黃洋達只是口頭上聯絡『本民前』，難道是要暗攻教主，話佢一樣是講大話？」

進出口物品報關

當局提醒所有從事物品進口及出口的公司和個別人士，必須遵照香港特別行政區法例第60E章進出口（登記）規例，於物品輸入或輸出後十四天內遞交進／出口報關單及繳納進出口物品報關費。惟根據該規例第三條豁免報關的物品，則不在此限。

二、進口及出口私人物品（包括透過互聯網或其他方式從／向海外直接購買／出售的物品），除非根據該規例屬於獲豁免報關的物品，否則亦須遞交進／出口報關單及繳納進出口物品報關費。一般可獲豁免報關私人物品包括：非作貿易或商業用途的私人行李、私人禮物而收貨人無須付款者及經香港郵政進口或出口而價值四千元以下的郵包等。

三、進／出口報關單須以電子方式，透過指定服務供應商提供的服務遞交。服務供應商亦提供服務督有需要人士把紙張報關資料轉換為電子信息傳送至政府。服務供應商包括「標奧電子商務有限公司」（簡稱「標奧」）、「商貿易服務有限公司」（簡稱「商貿易」）及「貿易通電子貿易有限公司」（簡稱「貿易通」）。有關的服務供應商詳情可經下列途徑獲取：

	標奧	商貿易	貿易通
電話熱線	2111 1611	8201 0082	2917 8888
網站	www.brio.com.hk	vip.ge-ts.com.hk	www.tradelink.com.hk

四、遞交的進／出口報關單資料必須正確和完備。有關規定請參閱由香港特別行政區政府刊登的「政府電子貿易服務系統執行指引現行版本第B.3節——進出口報關服務」文件。在海關關長授權下，政府統計處指定人員亦可核實進／出口報關單內的資料是否清晰齊備，足以應用於編製貿易統計數字。使用電子遞交服務人士應定時查閱其「電子郵箱」，以確定其報關單是否已成功遞交至政府與及政府有否就其報關單作出任何查詢。為避免電子遞交的進／出口報關單被退回，使用電子遞交服務人士應時常留意電子證書的有效日期及其戶口是否有足夠存款。

五、如欲獲取更多有關填寫和遞交進／出口報關單的資料，可致電政府統計處進／出口報關單及貨物驗單查詢熱線2877 1818或參閱其網址www.censtatd.gov.hk/trader/index_tc.jsp。

六、如超過十四天的法定限期始行遞交進／出口報關單，必須按章繳納遞交報關單須付的費用，而不獲另行通知。如物品在進出口兩個月又十四日後報關須繳納最高罰款，每張報關單所列物品總值在二萬元或以下，罰款額為一百元；若每張報關單所列物品總值超過二萬元，罰款額則為二百元。

七、當局可能會對未有充分理由而不依法呈遞進／出口報關單或在報關單上明知或罔顧後果填報不準確資料的人士提出檢控。

海關關長鄧以海

二零一七年八月一日

「熱狗」篤數被踩場 5000 在線無人蒲頭

【特稿】

「熱狗」個網上喉舌《熱血時報》號稱「萬人台」，聲稱有好多人收聽收睇，但之前俾「無敵神駒」仇思達踢爆佢篤數，而狗達個太座殘獸慧（陳秀慧）就寸神駒讀中文出身，電腦嘅嘢但識條鐵。不過，有疑似「益友」就喺《熱時》做緊直播嘅時候去Chatroom（聊天室）踩場，喺半個鐘入面不停留言挑機，但喺網頁顯示嘅5,000幾個在線人數當中，竟然無一個蒲頭反擊返佢，想藉此證實「熱狗」篤數。有網民就寸「熱狗」旨在做神功戲，唔係呀嘛咁詭異？

一個叫「陳永仁」嘅網民前日喺fb登咗幾幅相，顯示佢喺《熱時》個Chatroom入面不停留言挑機，包括「支持黃毓民」、「支持仇思達」等，不過嘅5,100幾個在線人數當中，竟然無一個應佢，搞到佢喺半個鐘之後走人算數，仲喺fb話「誰是誰非一目了然」。之前拍過狗達喺《熱時》做節目嘅「法國佬」張珈衍，就今日的我打倒昨日的



fb圖片

我，寸《熱時》啲聽眾「沉厚寡言」，「在線人數5,000人，但可以一個人喺Chatroom玩單機。」

唔知係咪因為今年農曆係閏六月，啲網民見仲有時間就講得盡啲，其中「Sharon Ho」質疑嗰5,000幾人喺陰間在線，「Raymond Chow」就話：「神功戲唔係畀你睇㗎！」

■香港文匯報記者 陳庭佳

鬧內地又北上？ 陳國強自打嘴巴



■自稱「獨派」的沙田區議員陳國強聯同他的社區主任邱文勁舉辦「中山、廣州、佛山兩天團」。

■陳國強近日轉發了關於內地一群男子懷疑於婚禮上羞辱兩名女子的影片，聲稱「以為到了印度」。

香港文匯報訊（記者 鄭治祖）反對派最叻係咩？咪就係「口裡說不，身體卻很誠實」囉！自稱「獨派」的沙田區議員陳國強近日轉發了關於內地一群男子懷疑於婚禮上羞辱兩名女子的影片，聲稱：「睇片！重溫下中華民族的DNA！如果不是講中文，還以為到了印度？」

陳國強並借機抹黑內地執法人員，「提提大家，如果這事發生在香港境內的高鐵車廂上，片中十幾個男人極有可能只判14天刑事事招（拘）留！『共匪國』的極度，對非禮而沒有出現暴力傷人案，一般不處理！暴力傷人的最底（低）立案要求是斷骨？」

既然講到內地如此恐怖？咁點解陳國強又要聯同他的社區主任邱文勁舉辦「中山、廣州、佛山兩天團」呢？豈不是要推街坊們去「送死」？佢哋兩天團仲標榜着「美食在民間」，呢種內地極恐怖又要帶團去玩嘅「神邏輯」實在是令人費解！

「圓咕碌」派「福利」嚇窒「熱狗」



■黃子喬擺比堅尼相上網，好唔好睇仁見智啦！網上圖片

【特稿】

之前呻俾麻甩佬撩嘅中大前學生會幹事會常務幹事黃子喬，日前擺咗自己啲比堅尼相上網人睇。由於佢親「本民青」嘅立場，立即惹嚟「熱狗」品頭論足，於是佢就寸「熱狗」又要唔鍾意又要睇又要周圍唱，「算唔算精神分裂」咁話。但係，佢又要擺相上網又要畀唔人講，都有少少精神分裂嘅徵兆，學獎門人話齋，呢鋪打啦！

人稱「圓咕碌」嘅黃子喬，之前呻着住件露肩衫俾麻甩佬跟蹤兼搭訕，俾「熱狗」寸佢成日擺性感相上網，自己知自己事。

不過，高舉「身體自主」旗幟嘅佢，又點會聽得入耳？但日前就喺Instagram度擺咗條新加坡度假、着住比堅尼嘅相。

親「熱狗」嘅fb專頁「MyRadio 苦主大聯盟」一向緊貼「圓咕碌」嘅動向，特別係相片方面，今次繼續跨平台轉載，仲加咗句「又係你呀」，同埋幾隻表示驚嚇嘅公仔。

有網友話要自控雙眼，「講還講唔好貼相」，有人就話「由聽日起食齋」，另外「葉政淳」唔知係咪嫌個專頁得百幾人讚好，仲開心些牙（分享）去自己嗰度，「不能只有我看見」咁話。

「圓咕碌」就喺fb反擊，話自己個Instagram戶口只有佢朋友先睇到，「follow（關注）得又要憎又要cap圖（截圖）周圍唱算唔算精神分裂？」

■香港文匯報記者 陳庭佳

今日香港天氣預測

2017年8月1日 星期二

大致多雲，有幾陣驟雨，初時局部地區有雷暴，下午短暫時間有陽光

氣溫：28℃-32℃ 濕度：75%-95%

潮漲：03:58(1.7m) 16:15(1.4m)

潮退：09:19(1.2m) 20:56(1.1m)

日出：05:55 日落：19:04

未來四日天氣預告

查詢天氣：1878200 查詢時差：10013或1000

2/8(星期三)

氣溫：28℃-32℃ 濕度：70%-95%

短暫時間有陽光 有一兩陣驟雨

3/8(星期四)

氣溫：27℃-32℃ 濕度：70%-95%

短暫時間有陽光 有幾陣驟雨

4/8(星期五)

氣溫：27℃-32℃ 濕度：70%-95%

短暫時間有陽光 有幾陣驟雨

5/8(星期六)

氣溫：28℃-32℃ 濕度：70%-95%

部分時間有陽光 局部地區有驟雨

空氣質素健康指數

一般監測站#

明日上午：低

明日下午：低至中

路邊監測站*

明日上午：低

明日下午：低至中

1-3 低 一般空氣質素監測站

4-6 中 設於中西區、深水埗、東區、觀塘、葵涌、荃灣、大埔、沙田、東涌、元朗、屯門、港門、將軍澳

7 高

8-10 甚高

10+ 嚴重

中國各大城市天氣預測

大連	23℃ 29℃	多雲	呼和浩特	18℃ 28℃	密雲
城市	最低 最高	預測	濟南	23℃ 29℃	有雨
北京	21℃ 31℃	天晴	貴陽	21℃ 30℃	驟雨
長春	21℃ 31℃	天晴	海口	27℃ 35℃	多雲
長沙	28℃ 32℃	驟雨	杭州	29℃ 35℃	驟雨
成都	23℃ 31℃	有雨	哈爾濱	21℃ 29℃	多雲
重慶	29℃ 38℃	多雲	合肥	27℃ 33℃	有雨

世界各大城市天氣預測

馬尼拉	26℃ 31℃	驟雨	悉尼	9℃ 18℃	天晴	倫敦	15℃ 22℃	天晴	檀香山	24℃ 32℃	驟雨
新德里	27℃ 32℃	有雨	阿姆斯特丹	13℃ 23℃	驟雨	馬德里	20℃ 35℃	天晴	洛杉磯	19℃ 28℃	有霧
首爾	25℃ 33℃	有雨	雅典	22℃ 33℃	天晴	莫斯科	15℃ 27℃	有雨	紐約	約 19℃ 31℃	天晴
新加坡	25℃ 33℃	雷暴	法蘭克福	17℃ 28℃	多雲	巴黎	15℃ 26℃	多雲	三藩市	12℃ 21℃	有霧
東京	25℃ 29℃	有雨	日內瓦	18℃ 31℃	天晴	羅馬	22℃ 37℃	天晴	多倫多	多 18℃ 29℃	雷暴
雅加達	24℃ 33℃	多雲	里斯本	16℃ 23℃	多雲	芝加哥	19℃ 26℃	天晴	溫哥華	15℃ 25℃	天晴
吉隆坡	25℃ 33℃	多雲	墨爾本	4℃ 15℃	多雲	華盛頓	19℃ 30℃	天晴			